

آبونه شرائطی

ممالك هفتایه ده سنه لکی (۶۵)، التي
آیلو (۳۵) غروشد .

ممالك احصیه ده سنه لکی (۱۷)، التي
آیلو (۹) فرانددر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مسلكه موافق آثار مع الممنونیه قبول
اولتور . دوج ایدله یازیلر اعاده
اولونماز .

الشیخ الاسلام

سر ۱۳۳۰

اضطرابات

رساله مزین آلدیغی کوسترملک شرطیه
بتون یازیلر هر هانکی بر غرضه طرفندن
اقتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نوموسی محتوی
بولونمسی لازمددر .

§

ممالك اجنبیه ایچون آبونه اولانلرک
آدرسارلرک فرانسزجه ده یازلمسی رجا
اولنور .

§

پاره کوندرلدیکن، ان نه یه د ثراولدیغنک
واضعا ییلدرلمسی رجا اولنور .

عدد ۲۷۲

۲۷ ذی الحجه ۱۳۳۱

بخشبه

۱۴ تشرین ثانی ۱۳۲۹

جلد ۱۱

تعلیم علم ده می حرام ؟

بوسنده بر چقه بلدییه رئیسندن آلدیغمز بر مکتوبده آچیلماق اوزره
اولان بر قیز مکتبنه اعانه ده بولونان ارباب حمیتک عزم و همتنی توهین
ایدن بعض علمانک وجودی خبر ویریلور . بونلر (لاتعلموا النساء
خطا) عبارده سیله کیسه نك معلومی اولمایان بر حدیث شریفه کویاستناد
ایدن رک ملتک استقبالی حاضر لایاجق آنالرک جاهل قالماسنی ترویج
ایدورلر مش . صاحب مکتوبده : « بو حدیث شریف موجبنجه
قیزلرک تحصیلی حرامدر دینیور . حال بوکه (طلب العلم فریضة علی کل
مسلم و سلمة) حدیث صحیحی بوباده کی تشبثاترک لزومی آمردر »
دییور . و « مدرس افندی نك ادعا ایله دیکی حدیث طوغر و میدر ؟ اگر
صحیح ایسه بو ایکسی (یعنی بو ایکی حدیث) آراسنده کی تضاده
دیملر ؟ شرعاً ، دیناً ، حالاً قیزلر مژک تحصیلی لازمیدر ؟ الخ »
دییه صوریور .

بو مکتوبی مطالعه ایدرکن ناصل حیرتدن حیرته دوشدیکمزی
تصور ایدیکز . حالا علمک لزوم تحصیلنی اثباته محتاج کورن مسلمانلر ،
همده جزای جهل اولارق کرفتار اولدقلری اسارت اوزرندن قرق
ییل قدر زمانده کچدیکی ، عوامل ترقی و تدینک هر کون بیکلرجه
شواهد و آیاتی کوزلری اوکنده تسلسل ایتدیکی حالده حالا مسلمانلرک
نصفنه تحصیل و تعلمک حرمتنه قائل علما (!!) وار ایمش . بونه
غفلت ، بونه طونوقلق ! مصر قبیطیلرینک عوائد و عقایدیله پرورده
اولان بنی اسرائیلک موسی علیه السلام کی بر پیغمبر ذیشانه انقیاد
واتباعه آیشماسی ایچون صحرای تپده قرق ییل سفیل و سرکردان
اولماق کفایت ایتشدی . نه عجایب شوم طالعدرکه ابا عن جد دین جلیل
محمدی ایله پرورشیاب اولمش بر قومک ینه او دینک احکامنه اقتدا
ایتمک اوزره عقلنی باشنه ده و شیرمه سی ایچون قرق سنه لک ذلت و اسارت
کفایت ایتهمش !

هر نه حال ایسه بزتمدن و ترقینک هیچ بر فرد عاقل ایچون آرتق

شایسته بحث و مناقشه اولمایان سائق عاجل و مبرمی ایله بنات اسلامه
تعلیم علمی تحریم ایدن مدرس افندی نك شریعت نامنه سویله دیکی سوزلر
آرهنده متحیر قالان بیچاره بلدییه رئیسنه دونه لمده بومشکلنی حل ایدلم .
بو ذاته هرشیدن اول تبشیر ایدیم که متداول اولان کتب احادیثه
(لاتعلموا النساء خطا) حدیثنه تصادف ایدمه دیکمز کی معناسنه
یا قلا شاجق احادیث شریفه یه ده مصادف اولماق . بو سوز بین العلما
کسب شهرت ایتیش احادیث موضوعه میاننده ده ذکر ایدلیور . مدرس
افندی بونی معتبرات کتب حدیثک هانکیسنده کورمش ایسه بیان ایتسون که
زده طانیلم و درجه قونی حقنده تبعاعده بولونابیللم .

(طلب العلم فریضة علی کل مسلم و مسلمة) حدیثنه کلنجه : حضرت
انس رضی الله عنهن مروی اولان (اطلبوا العلم ولو بالصین فان طلب
العلم فریضة علی کل مسلم) حدیثک بر جزئی اولوب (و مسلمة) زیاده سی
بیلدیکمز حدیث کتابلرنده یوقدر . بو حدیث بعض محدثینه کوره
موضوع عد ایدیلیور سه ده سیوطی ، موضوعاتنده طرق متعدده ایله
ثابت اولدیغنی سویلیور . صحاح ستک بری اولان سنن ابن ماجه نك ده
(طلب العلم فریضة علی کل مسلم) عبارده سی بر حدیث باشی اولارق روایت
ایتدیکنه نظراً بونی بر حدیث شریف اولارق طانیرز . (مسلمة)
زیاده سنک روایت ایدلمه سی ایسه نساء مؤمنات حقنده تعلیم علمی حرام
ایتمک شویله طورسون فرضیت تعلیمی بیله اسقاط ایدمه جک شأن و صلاحیتده
بیله دکلدر . (هل یستوی الذین یعلمون والذین لا یعلمون) آیت
کریمه سنک حکم جلیله ذکر و نسا داخلدر . لسان شریفده هر زده جمع
مذکر صیغه سیله بر امر وارد اولمش ایسه علی طریق التغلیب نسیایه شاملدر .
قادینلرله ارککلرک مستننا اولدقلری احوال یا صراحة ، و یا غلبه قرائن
ایله تعین ایدر .

مدرس افندی خاطرنی یوقلایان - وارد و یا غیر وارد - بر شبهه
ایچین قادینلر مزه یازی بی مجهول - و اغلب احتمالاته کوره یاقین زمانلرده
موضوع ... بر حدیثه استناداً تحریم ایتک و بالتیجه قادینلر مژک قید جهالتدن

تخلیص کریں ایتہارینہ مانع اولق ایسنور . عجبا قادینلری جاہل برافقلہ وسوسہ سندن قورتولمورمی ؟ بونلری ینہ علمی واسطہ تأدیب ایدہ رک مراتب کمالہ ایصال ایتہ سی دین و دنیا سنی بیلیر ، ایمانی قوی مسلمان اولاد یتشدیر بر حالہ کتیرمہ سی دہا سالم برچارہ تحفظد کلیدر ؟ مدرس افندی قادینلری علمدن ناصل حجر ایدہ بیلیرکہ مسائل شرعیہ نک پک مهم بر قسمی - بر قولہ کورہ ثلثی ، بر قولہ کورہ نصفی - امہات مؤمنین وبالخاصہ حضرت عائشہ رضی اللہ تعالیٰ عنہا طرفندن امہ تعلیم ایدلمشدر . قادینلرمزی جہالہ ناصل محکوم ایدہ بیلیرکہ عالم اسلامدہ حدیثدہ ، فقہدہ ، شعر دہ وحتی تصوفدہ رجالہ استاذ اولمش نیجہ فاضلات یتشمشدر . مدرس افندی دینندن غافل اولان بو کونکی قیزلرکزک عہد قریبہ قاتولیک ویا اورتودوقس اولاد یتشدیرمہ سنہ طرفدار دکل ایسہ ، اسلامک بو کونکی حال بریشانہ یورہ کی زرہ قدر صیرلا یورسہ ، بوسنہ قطعہ سندہ یاریم عصر ایچندہ اسلام نامنک انقراضنہ محل ویرمک ایستیمورسہ لطفاً قیزلرکزک اوقوماسنہ مانع اولماسون . « دیلمی » نک « فردوس » نامندہ کی حدیث کتابندہ ابن عباس طریقہ مروی اولان بر حدیث شریفہ « ذنب العالم ذنب و ذنب الجاہل ذنبان » = عالمک کناہی بر ، جاہلک کناہی ایکی کناہدر « بو یوریلور . عجبا تعلم علمی منع ایدن ، (منع للخیر معتدایم) آیت کریمہ سنک حکمنہ داخل اولان کیمسہ نک کناہی قاج کناہ اولابیہ جکنی تخمین ایدہ بیلورمی ؟

رئیس افندی ، بوسندہ مدرس افندیدن باشقہ البتہ کتاب وسنتدن آرزوق خبردار ، قولاغی دلیک ، عقلی باشندہ علما واردر . اونلر دہ بر کرہ صور وکرز . البتہ سزہ دیہ جکلردرکہ قیزلرکزہ احکام شرعیہ دائرہ سندہ ، دین و دنیا وظائفی حسن ایفایہ الویریشلی بر تربیہ ویرمک معاذام حرام دکل ، فرضدر . دوشونکیز کہ چوجقلرکزکی ایلک تربیہ ایدہ جک ، دینلرینی الاول تعلیم ایدہ جک آنالردر . ذہنی خرافات و جہالات ایلہ مملو ، طہارتدن ، حفظ صحتدن ، حقایق ایماندن غافل قادینلرک چوجقلرہ ویرہ جکی تربیہ نہ اولابییر ؟ کوکل ایستردی کہ علمک فضائلنہ دائر وارد اولان احادیث شریفہ بی بلا نقصان بورادہ ذکر ایدلم . فقط بویلہ بر آرزونک حصولی مستقل بر کتاب یازمغہ متوقف اولدیغندن بوکا شیعہ دیکل زمان مساعد دکلدر . مع مافیہ مأخذلرینی کوسترہ رک بر قاج حدیث شریفی تبرکاً بورایہ نقل ایتہ دندہ کچہ میہ جکز :

— « العلم خزائن ومقتاحها السؤال فسلوا یرحکم اللہ فانہ یؤجر فیہ اربعۃ السائل والمعلم والمستمع والمحب لهم » = علم بر طاقم خزینہ لردر آناختارلری دہ سؤالدر . اللہ سزہ رحمت ایتسون صورک ؛ زیرا علم سایہ سندہ دورت کشی مأجور اولور : بری صوران ، بری اوکرہ نن ، بری دیکلہ یں ، دیکری دہ بونلری سون . حلیہ ابی نعیم »

— « اذا أتى علی یوم لا ازداد فیہ علما یقربنی الی اللہ تعالی فلا بورک لی فی طلوع شمس ذلک الیوم » = اویلہ بر کونم اولہ کہ اوندہ بنی اہ تعالیٰ حضرتلرینہ یاقلاشدیراجق علم آرتماسوندہ

ایستہ او کونک طلوع شمس بنم ایچون مبارک اولماسون - طبرانینک معجم کیری ، ابن عدیک مسندی ، ابن نعیمک حلیہ سی »

— اذا مررتم بریاض الجنة فارتعوا . قالوا وما ریاض الجنة قال مجالس العلم = جنت باغچہ لرندن کچدی ککز زمان کندی کزری حصہ مند ایدک جنت باغچہ لری نہدر ؟ سؤالہ قارشیدہ مجالس علمدر جوابی ویردیلر - ینہ طبرانینک معجم کیری .

— « من طلب العلم کان کفارة لما مضی » = هرکیم علم طلب ایدرسہ بو طلبی کچمش کناہلرینہ کفارت اولور . - ترمذی »

— « من علم علما فله اجر من عمل به ؛ لا ینقص من اجر العامل » = هرکیم بر علم تعلیم ایدرسہ او علم ایلہ عامل اولانک اجرندن نصیبہ دار اولور . عاملک دہ اجرندن بر شی اکیلمز . ابن ماجہ »

— « من یرد اللہ بہ خیراً یرفقہ فی الدین » = جناب حق هرکیمدہ خیر مراد ایدرسہ آنی دیندہ علم قیلار - بخاری ، مسلم ، مسند احمد بن حنبل ، ابن ماجہ »

— « الناس رجالان عالم ومتعلم ولا خیر فیما سواهما » = خلق ایکی صنفدر . یاعلم ویا متعلمدر . بونلرک ماعداسندہ ایسہ خیر یوقدر . - طبرانینک معجم کیری .

— « وانما بعثت معلما » = بن ایسہ آنجق معلم اولایم دیہ بعث اولوندیم - ابن ماجہ » مدرس افندی بہ صورارز . عجبا فخر عالم افندمزک بعثتی یالککز ارککارہ می منحصر ایدی ؟

— « فقیہ واحد اشد علی الشیطان من الف عابد » = برتک فقیہ شیطانہ بیک عابدن دہا آغیر کلیر . - ترمذی ایلہ ابن ماجہ »

— « فضل العالم علی العابد کفضل علی ادنا کم ان اللہ تعالیٰ وملائکتہ واهل السموات والارضین حتی الملائکة فی حجرها وحتی الحوت لیصلون علی معلم الناس الخیر » = عالمک عابدہ قارشی فضیلتی بنم اک ادنا کز اوزرنده کی فضیلتیم کبیدر . شہہ سز اللہ تعالیٰ ایلہ ملکری ویوواسندہ کی قاریجہ ایلہ (دکرده کی) بالغہ واریجہ یہ قدر بوتون اهل سماوات ایلہ اهل ارض خلقہ خیری تعلیم ایدن کیمسہ یہ صلاۃ ایدرلر . - ترمذی »

۱ . ن .

فلسفۃ

عقائد اسلامیہ

۳۵ - علم :

جناب واجب الوجود حضرتلرینہ ثبوتی واجب اولان صفات کالیہ دن بریسی دہ علم صفتی در . معنای علم ، نفسندہ بدیہی در ؛ اعم اولان تعریفہ کورہ علم ، برشیک اوکا مستعد اولان کیمسہ ایچون انکشاف ایتسی در . منکشف اولان شیئہ معلوم ، کیمک ایچون منکشف اولدیسہ